

Эрднь-шишад сән хәләвр

Эрднь-шишәг цань уга малин хот гидж үнләд Яшалтинск района „Новый мир“ гидг колхозин чледүд Сладковск МТС-н механизатормудта хамдан 1200 гектар газрт эрднь-шишә тәрәд, эн культур тәрлгәнә газрин агьуг зөвәр икдүүлв. Ода эрднь - шишән ик ургъц авхин төлә сән кәдлмш бүрдәдж йовна.

„Новый мир“ колхозин тегәр малин хот гидж тәргдсн эрднь-шишән гарцнь, агротехническ зокал шиньгәснә болн әрднь ордж киндж хәләджхарсна ашд йилгән сән бәәдлтә бәәнә. Дигтә сәәнәр квадратн кевәр тәргдсн эрднь-шишән яралдсн зерглән, хәләхд йир ке. Гектар болгънд багъ гихдән 40 миньгън үндсн ургъджана. Хойр дакдж самлгдсн эрднь-шишән тег цевр сәәхн, эрднь-шишән ишмүднә өндртән 70-80 сантиметр күрнә.

Буденнә, Сталинә нертә колхозмудар, дакад „Победа“ — колхозд эрднь-шишән гарцнь бас сән. Эн колхозмуд эрднь-

шишән ик ургъц авхар бас күләджәнә.

„Новый мир“ колхозин звеносин толгаъачнр үүрмүд Забейворота, Сахно ахта эрднь-шишән ик ургъц авхин төлә, ургъцд саалтг болджах өвс түүдж йовцхана. Болв иигдж өвс түүлгън цуг колхозмудар болн МТС-р кегддж йовхш. „Заветы Ильича“, Сталинә нертә болн нань чигн колхозмудар сәәнәр ургъсн эрднь-шишә өвсәр эзлгддж йовна.

Квадрат болгънд хайгдсн эрднь-шишән үндснә омгта сәәнәр ургъдж, эрднь-шишән бүудә болн кәк хамтхс икәр өгдг болдгар цуг кәдлмш бүрдәх кергтә. Эрднь - шишән гарцд сән асрмдж өгч, ургъцд саалтган үзүлдг өвсн-тоосинь цеврлдж, эрднь - шишән ик ургъц ургъадж авлгън — эдлаху болгъна эрки, берк чинртә төр болджана.

Ф. ЯШКИЛЕВ.

КПСС-н таньгъчин комитетин селәнә эдл-ахун отделин инструктор.